


17



Handwritten text or markings along the right edge of the page, possibly indicating a binding or a signature.

石倉十二代詩選

明四集卷之九十八

十洲集

大明

錢塘方九叙著

後學曹學佺閱

舟次徐方述懷

弱植秉奇志茂齒猶棄捐棄捐心靡寧如膏朝
夕煎車轍歷齊魯踪跡周薊燕晨征冒霜露夕
息蒙塵煙四體鮮完膚一飯苦不全才猥理宜
賤道疎世寡憐世憐願當違理賤難辭愆固窮
慕君子無悶師聖賢東郊有敝廬歸平樂我年

山中讀書

暮春氣且和桃李榮以妍日垂董子帷願嗣高
生躔悲新今涕雪懷故昔腸煎剗苴頗棄近擷
華恒慕前寤鳳非乏微窺豹良可鳴效李旣守
雌齊揚亦尚玄閨門匪耽寂結駟寧乞憐但求
儔徃哲飛譽燭華編

留竹軒爲仲房作

寄居吳山下聊以遠市喧日對數竿竹宛如洪
上園翠色蔭東墻秋聲入南軒興來一微咏客

至饒清言迺知忘憂者不但北堂萱

和王山人徃遊鴈宕中途夢仙之作

振衣事孤征膏車就長陌言謝區中緣探真鍊
精魄道宿何逍遙蜚夢在佳夕神將仙靈通形
與塵勞釋彷彿揮雲章千仞寄丹壁晨海翔霞
明寒嶂懸泉碧名境誰云遐宛在衾與席嗟予
阻玄覽引領企幽蹟三復賡郢詞臨風傳南翮

山齋書懷

作吏乏良畫屏蹟宜中林纓綉逖華侶蓬蔚諧

幽尋卜築層城隅依止名山岑當牕翳鬱秀擁
室羅嶠嶽群帙事探討芳醕或孤斟赫奕靡在
企聖哲彌所欽畏俗等學繫寶拙如珍珠此道
冀永佩書座聊自箴

紫陽洞天秋霽

日暮登山椒雲陰尋蘚馭洞門歛夕霏林芳吐
秋葍仰瞻山鬱葱俯聽泉澆潏矧與良儔偕彌
欣心賞數是月衣已授揆時日在角振鳥躡僊
巖駐顏慕靈藥誰謂道渺冥聊以謝囂濁真人

張紫陽昔此翔寥廓

同諸子遊靈隱寺夜宿澗西房

厭喧慕幽棲惜陰耽夕憩梵宇枕山阿層巒延
遠睇水石互清華松篁紛蔽翳綠澗蔭芳椒依
巖構禪室嵐翠罨簷牙靈籟響雲際曖曖日將
頽淒淒風且暄稍覺朝歡闌還因宵賞滯高閣
謝塵囂流泉澄夢寐况復偶羊何寧須狎支惠
尚子欣遠遊嵇康慵作吏苟非賢達人詎知身
似寄

通玄觀題壁

吳山東下何縈迴仙人樓閣空中開紫霞春煖
綠蘿壁碧雲夜冷黃金臺階前煙靄浮深竹石
上泉聲眠野鹿步虛歌罷鶴歸來京月紛紛滿
幽谷

南汀歌贈許廣文

我聞東南澤國推吳中三泖近與滄溟通澄光
秀色日變幻萬頃浩蕩涵長空兩涯是處皆竒
境水南之汀更幽勝堪輿浮出神仙居綠野清

波淨相映楓林松徑青扶疎蒼藹鬱盤深且紆
誰歟選勝宅在上廣文先生高結廬先生有道
喧人口篇翰當年擅瓊玖考世應從玄度先論
賢豈在龜蒙後棲遲此地特遨遊泖南煙景曾
中收任彼人情競赤紱須知吾道宜滄洲滄洲
之趣隨時得塵寰視此仙凡隔高柳常維問字
舟清流曲抱談經室良辰撫景情長怡一觴一
咏咸相宜浦雲迷樹倚門處水月入簾開卷時
靜觀宇宙同行旅眼前萬物皆吾與乘興還吟

杜若詩忘機自與沙鷗侶有時一棹凌滄茫浩
歌渺入虛無鄉馭鶴何須羨弱水觀魚亦復同
濠梁水汎陸遊忘去住樵徑漁磯往來處翻嫌
月旦里中評重開丁卯橋邊墅玄蹤逸氣凌高
秋江丈涪翁堪與儔汀中之樂樂無極會心可
以輕公侯先生懷珍宜濟世士苑同聲惜畱滯
數竒于此賦考槃釣鰲東海辜雄志卽今振鐸
來芹宮青衿被化如春融高談偶及此勝槩令
人神爽馳其中我亦平生好幽者傾蓋畱連挹

風雅未得相從汀上游聊發長謠付吟社

清明日奉枉孟衛原公靈隱游燕嗣蒙貺
以長什奉酬

去年寒食饒風雨今年寒食逢晴煦柳葉連帷
覆六橋桃花遲客開千樹座上嘉賓信大賢湖
中嘉會接高筵侑觴多愛枝間鳥宿翳全消空
際煌煌澹花濃湖似鏡鳥啼柳碧山相映畫船
日午艤西泠松岡遠探靈峰盛峰頭洞口偏游
遨捫葛攀蘿不憚勞流覽江湖襟益曠笑看雲

壑興尤豪隱隱樓臺雲外聳悠悠笙吹天邊動
雖云境妙客忘疲直遣情長兼晝永夕陽亭下
弄寒泉明月舟中沸管絃條然取醉煙霞裏宛
爾興懷樽俎前予本高陽酒家客公是明庭謝
安石竭來寄興臥東山况復擁麾按南國山川
雪耻豈無期民物昭蘇會有時還擬他年成樂
事也知此日抱憂思一憂一樂情相憶此景此
情人共醉太原願作擊壤民含哺敢忘
賜

明王

關山月

絕漠煙光歛遙空月色華如眉怨張敞似鏡憶
秦嘉關寒莫改葉塞冷桂飄花如何三五夕不
到離人家

賦得燕燕于飛

小院百花香輕簾雙燕翔影隨春陌近聲入午
風長趁蝶迴雕砌銜花赴彩梁空閨朝復暮徒
切畫眉長

涉江採芙蓉

歷代詩選
六月江南天家家出採蓮並丹青雀近分歌綠
水連看花誤是面摘葉戲成鈿夕陽歸渡口更
覺晚粧鮮

落落窮巷士

落落此貧士結棲陋巷中妻涼比原憲寂寞勝
揚雄階生入簾草門垂覆井桐詎意金蘭籍姓
字一朝通

明君詞

朝別漢王殿暮驅光祿城回頭心並轉對影淚

雙明楊柳風中色琵琶馬上聲能令萬乘重詎
惜一身輕

春日

春風生綺陌霽旭散芳衢沼綠萍初合林香柳
半蘇鶯歌連吹管花氣雜薰爐獨詠安仁賦閒
居以自娛

送王揮帥

凌春鴛席敞乘曉雀舲開擬葛多神筭參劉得
妙裁朱鳶翔別憶碧蟻泛離杯只此腸俱斷無

歷代詩選
勞問九廻

訪張少華隱君

幽居絕市氛花竹兩氤氳
綠簡媯泉字丹書禹
壁文夢成應化蝶賦就卽
凌雲不獨山林下方
知大隱群

西林寺訪唐太史遂同栗子

講幄罷金華言尋八解涯
投簪遠城市飛蓋入
煙霞興洽龍池草辭翻
鹿苑花自能超覺地無
復借三車

宿陽谷

陽谷一停軫勞歌還自傷
夕原輕落照春路夾
垂楊野席星俱飯山廂
月和裝途窮皆下淚不
但阮生狂

望焦山

名山本異群杳藹復氤氳
錦鳥啼仙樹朱花落
梵雲八流廻玉態雙嶠鬱
金文寶書如可讀願
以問焦君

詠梅花燈

歷代詩選 明方離錄
無珍四照美莫訝九枝新翻辭却月觀爭映上
蘭人葉生無有樹花開不待晨可愛纖纖手能
傳庾嶺春

秋夜嘆

迢迢秋夜長淒淒羅袂涼兩行燭下淚千迴機
畔腸蟲聲傷四壁月色耻空房錦字無由寄徒
嗟天一方

金陵夕眺

遊馬桃花艷携杯竹葉新鴈書金國字月寫玉

宮輪別野星隨客分橋水送人四愁徒自賦千
里倍傷神

雨花臺

高臺已漸傾尚有雨花名衰處皆成草愁邊况
有鷺山添行酒碧雲寫眺衣輕不是貪歡賞風
煙本易更

宴王龍江公署

停驂遊子至命酌故人留不惜金魚酒同娛粉
署秋賓筵驚鴈序友木感鷺求况得終宵款俱

忘逆旅愁

封崇寺訪殷葛二子不遇

皇刹標金池真仙引鹿車調心除害馬戚相息
空花福樹秋垂果靈池夕泛霞不逢鸞與鶴徒
惜化城賒

詠淚

雖向眼中落原從心上生玉以無知碎珠因有
恨成湘江竹空染雍門琴自鳴盈盈終不絕應
是爲傾城

柳

嫋嫋湖邊柳搖蕩蔽春空葉灑千年露絲吹百
里風別浦心俱拆前溪舞自同願將攀望意寄
此管絃中

鏡

高臺安寶鏡清光燭四端曾被仙人拭還經玉
女看菱生須借日永開不作寒徒言照面易終
是識心難

火籠

製形由巧匠託體在深帟伏火生朱燄藏煙吐
綠輝京房成煥室冬服變春衣似妾懷君意會
溫敢遽遶

張崑崙挽詞二首

談樹春空茂賢星夕已收可憐蒿里送非復竹
林遊泣下皆成雨悲來不爲秋何時偕二女更
眺賞花樓

其二

妻妻白驥鳴送子出東城短褐龜初伏高墳鳥

自成風危朝槿落泉惡夜舟驚不復青雲侶空
貽綠簡名

白婦挽詞

粲粲閨中女冥冥泉下遊那堪將鳳閣還以變
松丘斜日迎丹旄空原泣素騶一傷容遂滅多
恨鏡空留

王必漸還永嘉自劉叅戎所

還家歲云暮作客思無窮好士依嚴武傳經慕
馬融君山辭海畔鴈嶺入甌東况乃求羊輩和

歌朝夕同

卒棄去學詩

浮名君所棄高詠我能憐
隱跡寧違俗栖心半在禪
交情傾蓋外別思去帆前
婚嫁何時畢長遊貴茂年

送青門往苕溪訪友

歲暮遊何處苕溪訪所親
常思乞米帖誰是解衣人
沙晚鴻飛惡湖寒碧浪新
倘知爲客苦何用厭家貧

題櫻桃花

穠李初含蕊櫻桃已作花
陰輕煙葉少色淡雨枝斜
已覺成蹊易何愁薦廟賒
能將心志美安用助容華

歲暮送青門山人入閩謁王中丞

殘年人盡歸此去欲何依
舊日交游貴重過逆旅
稀共嗟衰鬢改獨與故鄉違
欲買城南地從君早息機

送林介山郡丞歸天台舊業

歷代詩選 明初再續 廿一
雨雪天台路兵戈歲杪歸家人驚鬢改鄉友恠
書稀名倚新詩重貧嗟舊業微春來拜嘉慶門
戶自生輝

歲除

獨臥滄江上頻驚歲月除
啣杯情更懶乞米帖
嘗書世態此時盡生涯
隨地疎窮愁那可送空
復嘆居諸

無門洞同南衡游眺

洞古杳難尋披榛試一臨
路緣青嶂入僧住白

雲深鵲乳猶巢頂龍潛未作霖
稍聞清淨偈萬事已灰心

俞氏園居二景

高閣層霄上遙瞻翠色微
蘿交全翳徑竹密半
侵扉豈慕凌煙畫恒懷天祿
譏巖棲君自得白首願同歸

右翠微閣

鬱鬱凌寒樹茲亭其巋然衆芳俱悴日孤節獨
參天淇上曾留頌湘濱莫浪傳知君抱真意余
愧子猷賢

右長秀亭

和俞倅悼妾

乍見雙情合于歸一旦分鏡中鸞謝舞釵上燕
離群桑罷羅敷采機殘絡秀文愁看芳塚草遙
映楚臺文

芙蓉盛開與劉望陽湖上

遵渚花初發邀歡客有期衆芳俱斂色幾樹獨
含姿小艇輕於葉遙峰淡若眉莫愁煙水濶折
以寄相思

送僧湛溪還山北僧聚公門人時送王山

人過錢塘

出山緣送客別客復還山嶺雪隨飛錫溪雲靜
掩關心空旛影動定久磬聲閒欲問尊師事應
知一筥間

龍井試茶

南山新雨後隨興入幽林看茗搴初秀寒泉汲
靜深悠然憩孤石暢矣滌煩襟何事文園令經
年渴病侵

閩門畱別顧子金子及二舍姪

揚舲余獨往掛席汝同歸已覺山川異還憐骨肉遠月殘吳苑酒霜冷越鄉衣三徑饒萸菊經時憶漸微

訪林處士故宅

道否賢人隱年深棟宇傾孤山千古墓處士一生名鶴去無還翼梅殘有落英今朝祠下拜感慨若爲情

白雲堂茶話

雙樹白雲裏遙知釋氏園方欣禪室靜况與幽

人言一酌清泠水聊祛塵世煩冲然罷文墨時把貝書翻

玉泉觀魚

小閣俯雕欄清池瀉玉寒千頭金色鯉一片水晶盤已謝任公釣休驚渭叟竿悠然濡沫處自有五湖寬

王仲房自新安來赴秋社

然諾繇來重誰能不顧期惟君憐舊雨同我賦新詩興爲清秋盡情非白首移山中初醞熟何

事更攢眉

秋夕

照壁殘陽在悲秋陋巷深年隨衰草換愁被候
蟲侵且作持螯飲休為擊筑吟優游還卒歲自
有昔人心

山樓對雨

對此彌旬雨休辭盡日留看君巾欲墊嘆我麥
俱流石化猶飛燕川盈不辨牛山樓一取醉聊
以緩窮愁

過縉上人蘭若

昔歲游蘭若公當卓錫初今來侍談塵我亦挂
冠餘悟性同河水觀塵比臭帑欲將疑義問須
向遠公廬

元日宴池上

上日屬明時高筵命曲池梅開初弄粉鳥嚙即
成筮萬壽宜城酒千秋樂府詞人生幾佳節行
樂莫教遲

雨後過湖西觀桃

歷代詩選
煙開綠岫雨痕乾萬樹穠華似錦攢露飲任將
油幕捲醉吟時倚畫船看啼妝照水難銷恨笑
靨含風欲送歡莫恠遊人歸獨晚僊源迷處出
應難

西泠橋夕泛

西泠歌吹晚風微十里煙波漾落暉船過斷橋
分路去鳥投孤嶼背人飛隔林花氣香浮櫂拍
岫松陰翠濕衣遙望松門燈火處酒家留客未
肩扉

上巳集煙霞洞

三月桃花水拍隄吳儂都向水邊嬉握蘭共結
林中好對酒兼逢上巳時洞暖煙霞勝洛浦筵
交巾舄陋蓬池未須更酌蘭亭袂江左風流宛
在茲

湖心亭

滄波縈繞小亭幽來往唯憑一葉舟三塔已沉
青草沒兩峰相對黛煙浮潭心影動疑鮫室風
裏輦飛似蜃樓何用乘槎霄漢去藏鴉門外卽

瀛洲

鳳山懷古

宋朝宮闕鳳山隈
輦路荒涼過客哀
青史尚留南渡恨
黃旗無復北庭回
沙埋舊井琉璃碎
蘚蝕殘碑翡翠開
嘆息百年行在所
只今唯有梵王臺

芙蓉初開燕童氏池上

秋入池亭感物華
芙蓉初試兩三花
寧芳自嘆非湘渚
客醉渾忘是習家
雨後錦窠清墜露
風

前丹萼半凝霞
攜毫欲擬西園作
却愧曹劉賦獨嘉

瑞石山樓望江

一江秋色石樓前
杳杳西陵隔暮煙
草合樟亭迷舊驛
潮迴漁浦映新田
陽侯浪靜猶平岬
羅刹年深欲碍船
幾度登臨容髮改
青門無路揖飛僊

山中月夜聞鴈

月明山館夜初深
何處飛鴻送遠音
漸逐松聲

歷代詩選
明方禹績
卷之六
來近壑還隨砧響度前林一庭涼露生幽思半
榻昏燈伴獨吟爲問空閨邊塞裏幾人今夕最
傷心

九日登定城樓

山色松陰鎖戍樓城南一徑石林幽女華臺畔
盈盈露宿鴈雲邊塞塞秋落帽喜無司馬笑佩
萸思共長房遊更憐向晚憑欄處畫角聲中月
一鉤

答孔谷見寄之作

年來曾寄數封書每向書中嘆索居薇省自從
分陝後星輶猶憶使吳初篋中共寶陳遵贖門
外空傳叔夜車也掃荆扉朝夕望汾陽消息竟
何如

春日宴鄭黃門小園

黃門小苑艷陽迴碧沼芳花幾樹開脉脉錦香
飄曉席霏霏翠色駐春盃新歌自許流鶯和酣
飲何妨隙駟催况是逢君愛留客蒲筵須遣玉
山頽

歷代詩選 明本南續 卷之六
中秋夜山寺眺月

山閣臨秋眺鳳凰林杯向夕醉鴛鴦桂枝高度
金仙館鬼影遙分玉女牀澗水遶琴同是曲巖
花拂袖共成香霓裳莫義當年樂此夕猶矜樂
未央

夜宴靈隱寺山閣

雲中碧殿隱芳菲更有丹樓映翠微
蕊葉煙交雙樹靄空燈風散七輪輝
鳥因聽法當筵嘯花爲談經繞座飛
休遣三車門外促鎮教歡宴始

言歸

始逢王南江憲學兼

昔年獻賦早知名此夕披襟始慰情
聚日不堪衣共把離筵况值蓋初傾
鷺當落日啼偏緩馬向秋風步獨輕
莫惜濟南音信阻寧無一鴈到吳城

送王仲房還山

風塵去住總忘機世難方知重布衣
傲儻肯爲東海死從容須效北門歸
山中猿鶴迎人慣朝

歷代詩選 明方冊編
丙公卿薦士稀白社久憐幽賞愜人生何必慕
輕肥

送劉望陽游徑山追寄萬松上人

雲裏五峰環紫翠空中一徑轉微茫
黃花漸報重陽節白社遙尋古道場
精舍更宜留謝客玄都何必訝劉郎
高僧趺化千秋事獨有靈鷲塚
樹蒼

罷郡後述懷

五旬莫怨歸來早四體猶強臥起寧
伏櫪祗應

悲驥老冲霄還復羨鴻冥投閒頗以書籤秩奉
戒時將酒庫局一項畚田二畝宅吾生聊此遣
頽齡

和陳潛齋水部韻

越江楓落鴈鴻新追憶分襟幾隔春
白首重逢投分友赤城今見避名人
萬言筆下誇頗捷千石班中笑獨貧
又臥煙霞偏得意漫從乞閒身
明主

瑞雪用王仲房韻呈梅林督府

靈雪豫呈玄象瑞元戎能慰 聖心憂早開授
簡開梁苑正值班師定蔡州銀葉繞營光戰鎧
玉花連陣蹴飛毬饒知燮理功仍大不獨安攘
拜一候

春日過青門小齋設茗清言和衙字

隣園頰色泛桃霞阮巷清風散柳衙已厭瑤觥
傾露萑還開石鼎吸雲華夢中忘我應成蝶筆
上看君已作花轉眼三年拋郡印無錢堪買雨
前茶

雨中桃花和南衙嘉字

湖邊芳雨日催花陌上天桃色正嘉豈羨蜀江
春濯錦還疑白嶺晝生霞幽芬堪偶湘蘭馥冷
艷應慙砌檜華明日重開供帳盛擬將油幕爲
先遮

除夕和南衙寒字

松火能消五月寒椒盤齊頌萬家歡杯傳藍尾
寧辭醉飯對青精不厭餐短髮逢春渾自白衰
顏借酒暫成丹共欣守歲華筵永莫問朝天玉

漏殘

丁庚石招宴和青門舟中韻

寒渚依微散曉暎宿雲初歛四山昏琴尊暫偶
同舟侶鷄犬遙聞隔水村開徑屢邀嵇叔駕盍
簪多在李膺門莫愁冰雪催時暮自有芝蘭入
座溫

贈唐鴻洲此君以大書自名

四海憐君事遠遊柴門遙寄鴈鴻洲筆床江上
煙波合藥竈山中松桂幽自許臨池稱獨步肯

因垂橐動窮愁石渠正遇求才日絕藝那教困
白頭

觀潮同社中作

乘閒載酒曲江頭地接蒼茫勢欲浮山色入樓
巫峽晚濤聲隔浦廣陵秋停橈估客驚相問解
佩仙媛喜並游獨有鷗夷心未化素車依約度
中流

湖上同陳潛齋水部作

湖光山翠繞簷飛深院高秋俗事稀門外停車

歷代詩選 明方禹績 三
尋舊賞花邊移席戀殘暉孟公豪興多投轄仲
子閒情久息機莫訝清宵頻縱飲試看林下幾
人歸

丁庚石招宴和青門韻

綠水溪橋隱薜蘿青雲門第接嵯峨彩茵夜試
迴波舞銀市秋調激楚歌詞苑漫憐知己少醉
鄉今喜勝遊多竹林自古稱高會未許風流此
夕過

西泠夕泛

澄湖煙水蕩晴暉向晚西泠歌吹微蟻汎深杯
邀客醉鳥投孤嶼背人飛隔林花氣香隨權接
岍松陰翠濕衣燈火郭門遙入望清歡方洽未
言歸

上巳集煙霞洞

深谷鶯花接透迤清朝杖屨愜追隨握蘭共結
中林好對酒兼逢上巳時洞煖煙霞春更勝筵
饒琴詠晚相宜不須更飲蘭亭會江右風流宛
在茲

寄題呂沃洲中丞別墅二首

寧親曾奉 明廷詔選地常捐內帑金山郭溪
橋爭映帶竹亭花塢遞幽深謝家兄弟圖碁樂
梁苑賓朋授簡吟玄圃丹丘應不遠何須方外
費招尋

右皆可園

翠微曉靄護茅堂青壁紆迴接繚牆應是子真
棲谷口却疑向秀客山陽黃精吐穗村將雪丹
橘含香樹正霜竒勝更看天姥近煙雲萬仞屬
翱翔

右愛山莊

贈雪漁程山人

慘澹江天鳥不飛雪花撩亂撲漁磯雨絲煙艇
歸何暮頰鯉青鱸味正肥白浪故迷銀箸影凍
雲偏戀玉簑輝何如西塞出前路共著青標與
俗違

寄王方湖中丞

聖朝早晚賜翹車暫息岷江水竹居高興自耽
煎上酒好音頻寄沓中書定看推轂逢知己漫
說抽簪賦遂初引領故人重秉鉞肯忘貧病一

相如

久雨

黃梅落盡雨絲絲
况值窮愁伏枕時
夜半輕寒侵絮被
朝來新漲上河魚
卑棲真擬長沙濕
爽塏翻憐短晏居
漫說田園多負郭
只今荒穢若爲鋤

同梁浮山中舍游虎跑泉

曲徑同尋大士家
林嵐幽勝入煙霞
清泉遶澗飛成雪
紅葉含霜望似花
欲托醉鄉憑魯酒
漫

辭水厄試僧茶
幽棲况對求羊偶
且向山中閱歲華

七月同李中南年兄暨社中諸友泛湖

湖光轉覺秋來好
客興應知到日深
醉裏看蓮同華頂
閒中閱權卽山陰
世情自與青山隔
旅思休令白髮侵
萬里秦吳成久別
相權此會重千金

山中月夜聞鴈

蕭然山館夜初深
何處飛鴻送遠音
漸逐松聲

歷代詩選
來近壑還隨砧響度前林報霜嘹唳催寒思向
月妻其伴獨吟爲問空閨懷絕塞幾人今夕最
傷心

瑞石山樓望江

一江秋色石樓前杳杳西陵隔暮煙草合樟亭
迷舊驛潮迴漁浦應新田陽侯浪靜猶平岍羅
刹年深欲碍船幾度登臨容髮改青門無路揖
飛仙

送劉南郭應詔

遙承金馬詔高論白雲鄉東掖乘春直南宮拜
夕郎曹分青舍並管握紫毫雙舊賜含鷄舌新
班起鴈行花飛談樹藻草弄諫垣芳素履同張
建丹心顙鄧閫三臺隨振鷺九渚逐鸞翎地密
銀魚貴風熈玉燭長柳如南望眼江似北迴腸
祇避燕城馬誰同越水觴

留別黃五嶽

雲城逢舊侶花閣締新歡兩會俱攀鳳雙言並
拆蘭回舫停返楫送馬駐歸鞍淚促看珠易人

遙見玉難松情娛越嶠萍意戀吳瀾雖異三秋
別終傷不自安

送陸子遊太學

春風漸作薰遊子遠離群客是龍門度經從虎
觀分桃花搖馬色竹葉瀉盃文別蓋看成日行
衣望是雲飛鳧雖有曲妻斷詎能聞

山莊夜宴

明月與佳人相看併是春對花均一笑傍柳係
雙身聚作鴛鴦渚分成桃杏隣迴腰流艷態轉

眇送芳神草色全迷屐霞文半掩綸尊前須勝
玉席上詎言珍但願千秋裏年年樂上賓

高香王近山憲副赴任蜀臬時方採木銓曹廉
其才可使故有茲擢

喜奉虞廷詔方徵楚國材明堂霽柱石憲節走
風雷舊秩紆龜組新恩踐栢臺蠶叢飛旆上攜
李泛舟回道夾邦君弩筵開餞客杯錦江春浩
蕩劔閣曉崔嵬心繫吳門柳情傳蜀使梅知君
西役暇念我北山隈

雪後北園讌陳六亭僉憲

喜對梁園雪欣陪郢國才
凌寒池上竹報臘砌
邊梅狸腋縈青錦
鳧花散綠醅題詩頻
鏤燭觀舞暫停杯
玉漏聞更轉冰壺映
坐開此時情不淺
歸騎莫相催

宿山中偶作

高齋閉風雨寂寞山中夕
禪誦遠相聞懸燈數
峰隔

訪禪定僧題壁

空塔羣鳥喧寒徑千
崖碧禪定絕名言
孤松爲留客

十八澗

靜愛依山麓閒來問
水源浮鷗欣有伴
釣叟欲無言

夏曉

露滴花枝牕半明
涼生竹院曉風清
獨歎孤枕閒無事
臥聽空林細雨聲

送伴松上人入吳上方寺
寺在石湖上

湖上僧房竹徑斜湖邊秋水照袈裟法筵開處
天人喜時見空中雨寶花

明月曲

珠樓繡幕月生花散作青天五色霞我欲騎龍
弄雲海同邀玉女醉仙家

其二

淒淒明月已千春碧樹芳花一色新莫使微雲
昏玉鏡高樓恐有未粧人

其三

葡萄綠酒紫霞杯一夜能教醉百迴自有吳姬
筵上勸更勞明月座間催

聖泉寺長廊二首

山半紅樓倚碧空迴廊宛轉妥晴虹煙林一帶
湖邊路人在屏風卷畫中

其二

拍拍湖波遶郭長霏霏松雨灑衣涼尋山踏遍
西湖路誰解煙霞屬上方

石倉十二代詩選

明四集卷九十八

終

其
山
中
其
二

山
中
其
二

山
中
其
二

山
中
其
二

山
中
其
二

山
中
其
二

右倉十二代詩選

明四集卷之九十九

無聞堂稿

大明

後學曹學佺閱

桐城趙

鉞著

有楚不可歸

有子已託齊如何七尺軀乃託鴟

夷皮鴟夷皮莫東西應載墓上梓去塞越來溪

昔相逢家相通今相逢意不同如何一江水分

載兩帆風坐惜舟南北不似墻西東

別滁中友人

我從天上來，三見秋山月。山月照山泉，夜夜清光發。長嘯開心顏，豁如遊貝闕。今日渡江去，明月猶相隨。惟多月下人，百里遙相思。寒蟾來歎礙，日苦高峰迴。壑人行少日，午半山陰薄。時聞鳥深谷，虎縱橫絕壁。雲縹緲爲聞，前驅人昏黑。路逾小少選，月東升豁然。寬懷抱澗泉，苔鼓聲馬蹄。踏虛鳥不緣，深夜行安知。月明好

夜至高唐偶尹竹嶠齊泰衢吳少竹北上
會于館中得家報有感

日暮苦行役，道路阻且長。停驂問行人，何處是高唐。春風開古渡，暝色賦長楊。衆山寒歷亂，平野杳蒼茫。入館峭四壁，雙燈照屋梁。門有車馬客，薄言來故鄉。下階見顏色，長揖問高堂。高堂念遊子，相思語徬徨。晤言坐深更，明月入我牀。且起各路衢，百里遙相望。

雨坐

捲簾雨初霽忽聽墻頭鳥恍似在家時春眠花
未曉惆悵月還來殘虹掛林杪

採桑行

朝採桑桑葉不盈剝暮採桑桑條刺人目柔桑
知蠶飢生葉能及時只顧蠶得飽不怨傷葉兼
傷枝蠶眠欲作主人衣猶恨柔桑生葉稀蠶老
桑枯兩無利官家催輸走羣吏但願輸完主不
辱蠶老桑枯死亦足

代浮山洞主奉謝從姑仙郎一首

張公去後有誰來澗水無聲猿夜哀雲冷谷寒
春寂寂東風無主幾花開喜君一來愁君去獨
留明月在高樹石龍矯首臥東山煙霞常護臺
邊宇鞭起天池龍送君出長松喚出洞中鷄爲
君花下啼金鷄玉龍莫深避仙郎本是天皇吏
他日功成五嶽遊雲門一徑君須記

辰陽縣鐘鼓山前渡

鐘鼓洞前石如壁山氣沉沉初上日雙櫂穿波
素浪高羣鷁入水白魚出我欲醉遊吹洞簫渚

迴听遠煙雲密

楊白花

楊白花隨風颺會見臨渭水斜出漢宮墻春風
何事遙相逐舊日帝鄉今蠻鄉楊花撲面亦笑
我前日夕郎今夜郎

夜至古黃姜侍御邀遊赤壁爲作赤壁行
赤壁赤壁千丈石磊砢萬狀色皆赤古今惟得
坡仙遊至今磯上留竒迹石老旣不長鶴去不
復來後來好事者往往架壑開樓臺豸史好予

夜載酒爲問今朝月出否共歎豪傑幾凋殘世
間何物爲不朽此時積雨月藏明檻前惟聞江
有聲舉燭四照驚山靈虎豹虬龍勢欲生瞥然
歌罷入城去笑殺當年二客不知名

臨池學書忽渾菴送菊花酒至醉後偶成
故人別我向東走終朝獨坐平原柳庭前遍種
黃金花釀作仙家紫霞酒思我遙寄草堂來入
門大笑懽持缶呼兒便摘籬邊瓜持刀細剪窻
前韭不須袒裼呼臬盧不須高陽尋舊友滿懷

硯礪正突兀便可一飲二三斗須臾明月出雲
端照我窻下舊蝌蚪低頭三讀不成章自恨墮
落蒼頡後混元一破不復還石室玉編今已朽
舉觴空歎簿書煩吁嗟此意君知否

嵩丘歌送畢郡守

君不見八荒巨鎮稱嵩丘靈標突兀當中州太
室少室互掩映伊水洛水迴奔流三臺時見白
雲起月光童子蒼岷裏青帝常開四樹花丹池
倒歎九龍水花下曾聞子晉笙緱山嶺上雙鸞

鳴水邊曾駐漢王旌少君一見天風生此地從
來可笑傲東望三川空浩浩羨君高乘大夫車
五馬直上函關道函關老子喜君去手抱道經
爲君馭再挽淳風天上來靈波遍灑河橋樹此
時莫惜故人書應念城東相別處

黃鶴送丁慎菴之廣東

金焦門前學劉

君莫奏手中琴綠綺古調無知音君莫彈匣中
劍青冥誰識昆吾焰風胡去矣子期不來白虹
欲折猗蘭空摧使我三歎有餘哀勸君且飲黃

花酒勸君且上黃金臺相與擊筑歌盤石浮白
大叫晴雲開君不見千里駒負鹽長坂空踟躕
又不見公田粟上者列讌大烹前下者墮落餐
黃鵠我愛東方善致身金馬門前學隱淪君今
匹馬廣川去平原一笑且藏真

自崑回魏温甫送別慧山因遊二泉有作
別路經秋寺離筵啜茗開泉從金穴出人自玉
山來品水非吾事臨池獨爾回劇談明月上虛
受夕陽催

僑居崑山顧道人日夕相伴復送至金陵

別後將還浙中賦贈

旅館初相識寒江晚更親一尊白下酒千里越
中人採藥休辭老浮家莫厭貧名山饒道侶應
得伴長春

宿白雲僧舍

借榻來山寺安心得古僧一燈寒共語半閣月
初升拂石重留偈烹茶自鑿水豁然悟名理無
念是先登

樅陽江晚發

歇馬春將暮行舟夜欲殘
鼉更催月急螢火落
江寒不見風檣亂轉驚
天地寬魚龍莫深避無
意瞑投竿

途中苦雪

崎嶇行雪徑高下逐谿田
客路今如此王程尚
渺然夕陽斜嶺外荒店斷
橋前翻羨滄江上風
輕一權便

真州飲平湫分碧亭

水部一何清終朝禮白雲
引江成月浦插柳護
鷗羣地掇金焦勝春從
淮海分官閒多著作應
似沈休文

空手毅所蔣侍御公約余督牧江南兼期中秋

昔蘇東三茅峰翫月今阻瓜埠舟中有懷

旅泊緣何暮東江此夜分鳴榔追蔣詡隔水望

茅君潮長月盈浦風高鴈失羣不知三洞客嘯

入幾重雲千里

豐山中秋瓜埠舟中有懷太僕諸僚長

歷代詩選 明趙鼎 十一
豐山不可望，此夕最相思。正值江清處，仍當月滿時。誰言千里合，深負一秋期。悵念層樓宴，長吟席幾移。

靈谷寺對月

借榻來山寺，穿松度石梁。地偏容傲吏，香遠現空王。萬古天心月，今宵分外光。僧寮脩茗供，相對說先皇。

豐樂亭

幽谿圍古木，亂石倚孤亭。嵐氣侵城市，泉聲出

戶庭。地非當日僻，山是昔年青。讀罷歐公碣，花前酒半醒。

過宛陵別梅宛溪大叅以親老乞休

乍逢同省客，今作獨醒人。不叱滇南馭，應憐谷口春。自甘三畝薄，爲愛百年身。余亦懷歸者，何緣共隱淪。

遜學堂有感

晤言專一室，天與靜功便。僧住猶嫌僻，我來真擬仙。几清山作對，夢適鶴同眠。得意花爭發，英

英照簡篇

避暑同羅侍御秦虹洲遊宥氏園

結廬一何靜
流水護柴扉
莫遣鳴騶入
恐驚啼鳥飛
氣交雲樹合
語久吏人稀
共歎炎蒸苦
迎風賦式微

徐浴泉少京兆邀呂玉窻秦虹洲同余遊

木末亭余偶有他約先往賦此為謝

喜為京兆客
百折是丹梯
乍覺煙霞近
俄驚日月低
人行飛鳥上
江出亂峰西
悵望吾先別
僧

歸徑忽迷

重任太僕見舊衙青梧有感

舊日雙梧樹
長留一院陰
因思枝上月
常入醉中吟
座客去不定
山禽鳴至今
營營空白首
陳跡幾追尋

宿長安驛道中

纔離豺虎穴
暫憩水雲莊
山色雨中盡
櫓聲溪外長
月明如故里
人語是他鄉
更喜天微霽
前途近岳陽

愛山堂偶成有感

羣峰如客至一一費逢迎
豺虎當年穴煙霞此
日情繞身森畫戟終古作金城
拓地者誰子功
高不記名

謁漢高皇廟

赤帝今何在蒼山尚有祠
乾坤新日月侍從舊
威儀百歲魂應樂三章世所師
終同猛士盡長
恨大風辭

入東平謁冉子祠

斯人不可作遺像蕭高阡
馬鬣荒秋草狼川慘
暮煙淒涼臨牖日艱苦在陳年
却歎及門又何
無一語傳

遊九龍池

乘春趨帝寢轉壑向龍池
塢曲鶯啼緩松深
馬度遲紅泉流玉液丹砌擁金枝
日暮煙雲合
嵐光逐望移

秋日徐紫巖杜淦涯吳海亭約余爲南郊
之遊盛古泉侍御戴渾菴民部聞而枉

駕有作

隨緣出帝里乘輿到山家不識郊原外秋風有
落花空堂圍古木夕鳥度平沙迴首金門望丹
霞路已賒

李有池赴太僕少卿之任至廬聞罷官報

遂回蜀中賦此爲別

世路已如此君心可奈何客中新命改池上舊
山多九折雖云險半生可再過若年猶四十暮
景未蹉跎

石山外舅徒宅爲作憶思今各奉懷

憶昔東湖畔溪聲帶草堂乘春種榆柳愛月買
舟航得句題蕉葉攤書滿竹牀如何今落窳石
澗採餘芳

送玉泉陳僉憲之任江西兼憶許石城師

共是江西客遙瞻薊北天白雲樓上月清夜幾
迴眠善仕應難偶長吟祗自憐觀風如有約當
爲故人傳

午憩桃川官宮是古桃源舊地中有田一

歷代詩選
明起鼎鼎
區計二百餘畝甚沃非此避秦者不可
隱也

靈勝何緣入僊源信可家幾人今隱逸百畝舊
桑麻遺杖成方竹餘桃散綺霞坐看漁父路已
有白雲遮

自辰州從舟下桃源適阮憲副至共問勝
蹟有感

桃源乘浪至却喜是仙鄉兩岸皆秋水千家半
夕陽近村無土着古渡尚花香忽報樓船至忻

逢得阮郎

遊吳淞江

落日三江上秋風一棹輕逢人窮水道洎渚聽
潮生明月已如旦新蓴又可羹放舟吾不惜疑
卽到蓬瀛

九日舟中

笑指晴空數鴈行一江秋水泛重陽少年作客
何容易此日迴舟覺渺茫戲馬詎如青雀穩插
萸應讓紫萸香也知黃菊多情緒任是他鄉卽

故鄉

元旦寓獻縣祝 聖口占

六年留滯客燕關且逐鷓行侍 聖顏乘傳偶
持河上節聽鐘猶憶殿中班九門漏盡瑯輿度
五色雲高玉几閒誰說春明門外遠祥光猶見
禁城山

送未軒朝回復之邵武

栲栳山前倒玉壺棠梨渡口望仙鳧方從日下
辭鷓鵲又向閩南聽鷓鴣花市再經桃已實桑

原重見雉將雛漢家公輔多循吏佇看乘驄入
上都

開顏登雲龍山放鶴亭因暉山有約不果行
停車暫試登山屐蘿逕周迴宿霧間雲淨已經
龍去遠亭空不見鶴飛還千帆曉發川流穩萬
戶春回草樹閒覽眺何須援地主林端一嘯且
開顏

自棠邑渡江入上元門道上口成
駕風遠擊棠陵楫策騎長驅梅水東城堞半凌

歷代詩選
明趙鼎
銀漢上人家多在錦雲中截江山色秀可結春
石泉聲響不窮何處醉遊今夜月松雲十里梵
王宮

過句容聞內人在家病瘡余時督牧江南
吾兒應試在留都一家分處三地悵然

感念

問犢求駒苦不休半窗風雨入離愁一家盡出
俱爲客三地相思各念秋烏帽多情容我老青
山無計使人留當時不聽王生婦又把兒孫學

遠遊

瑯琊寺

乘興山行六七里窈然深秀是瑯琊迸泉百道
常疑雨芳樹千林不辨花白首何緣來洞壑青
山更喜入官衙酒酣遍歷磨陀嶺東晉樓臺隔
暮霞

環山樓獨坐有感

偶將蹤跡寄山城盡日高樓聽鳥聲自笑編摩
成案牘翻嫌雲樹費逢迎黃梁夢裏應難熟白

髮閒中却易生真是漆園堪隱吏不須梨谷更
逃名

飲環山孫太守清虛閣有作

西湖昔作銅符長南澗今稱白社翁抗跡不離
三徑外抱書常坐百花中徧移蒼玉森庭翠未
盡丹心射日紅曲巷尋芳多夜返清尊惟許故
人同

飲濟泉年兄山亭書贈

愛爾風流媿不如閉門長日賦閒居功名自謂

憑人立慷慨羞稱讀父書理郡能開衡嶽霧掛
冠寧羨武昌魚重逢笑我頭先白幽谷玄言倍
起予

遊薛兩泉牡丹園有作

綠塋誰家得靜便洛陽名樹錦雲連散栽瑤圃
疑無地偏賞芳園似有緣醉裏未能分種賦月
前猶欠枕花眠自憐荒圃空蘿薜莫惜天香爲
我傳

督牧至六合聞齊泰衛已先行矣知少選

後至賦此留別時初聞鴈八月十三日
獨步空階玉露生古棠飛葉暮雲輕風前立問
滄江使月下驚聞白鴈聲顧我真成牛馬僕懷
人常在鳳凰城知君計日還停節候吏能言此
夜情

得盛勲卿書詩以報之

爲謝司勲老侍臣緘書千里寄情真
久甘天上黃封酒虛羨山中白氎巾
大雅自知能應世閒曹亦復善留人
當時出谷元無意共嘆浮沉任

此身

自鳳陽至臨淮乘舟入泗道中漫賦

天府乘春得徧遊汀雲岍草伴行舟
林深谷口

藏山寺雨細花邊見驛樓平墅幾村
湯沐郡長

淮千里正帝王州喜看對龍起鍾離
處正是乾

文煥斗牛

寺臺有感寄友人

高樓春望柳初垂野寺閒情祗自知
載酒每尋花發處懷人常在月明時
一官不歎虞翻遠五

歷代詩選 明趙壽 四集卷六十一
嶽空憐向子 遲幽谷香泉 題欲徧天涯 何處寄
相思

余同羅侍御督牧廬鳳適太卿少峰有河
道都憲之擢追至餞別而少峰已先去
五日矣作此寄懷

山中隱吏來何暮 河上仙翁去若飛 問節祗離
三舍外 兼程空逐片雲歸 高軒出谷應難繫 遠
道從人自覺非 望望丹青何處是 紅泉翠壁故
依依

入六與楊思默閒坐賦志

與君俱是江東士 此日同爲淮北遊 明月寒泉
幾迴醉 白雲蒼樹數家秋 門無車馬貧仍樂 官
不催科政自優 終歲垂簾花鳥近 五車書盡勝
封侯

留題龍泉寺

荒厓曲徑隱禪林 長日迴車聽梵音 古柏翠扶
山鳥下 寒泉清約野雲深 閒看遊絮尋簾入 靜
悟高人出世心 何處最宜留偈語 石橋楊柳一

聲禽

興隆道中逢至日夜行

泉厓風磴苦躋攀至日長驅尚未閒翠篠扶疎
偏宿雨白雲狼籍故依山深更策騎頻經險何
處荒城可閉關遙想闕庭多氣象懽聲先到武
陵蠻

終日攀危戴曉星壯心今忽畏山行路當斷峽

人方渡水落懸灘鷲亦驚天設奧區藏異類誰

將荒徼變文明我來偶遇諸苗靖從此書雲日
勸耕

石總戎南溪重開唐山洞天邀侍御巫公

與余同飲適苗患蕩平風雨時叙民庶

熙恬不知身在九夷也因喜爲之賦贈

久識將軍能用武近知玄覽更多文直窮僻塢

千年秘重關虛厓一洞雲石乳流香杯外落山

嵐飛翠澗前分從今車馬頻來往共樂昇平日

誦君

夏日園亭有作

深夏悠悠若暮春
坐看梅雨沐松筠
喜無盛熱如酷吏
賸有好山似故人
始信九夷猶上世
誰稱萬里是孤臣
生平涉歷多閒地
終日潛虛得性真

恒菴伯兄下第歸得書寄懷一首

洛下爭誇伯子賢
一飛一伏共悽然
人從落日黃山去
書向秋江白鴈傳
越石楚金誰並舉
汀蘭巖桂總分妍
遙知憶弟看雲日
靜閉溪堂獨

草玄

立秋日聞邊報

鳳凰城上火西流
插羽飛書報早秋
宮樹未圍金闕露
禁庭先入玉關愁
嫖姚指日應傳捷
首蓂連雲恨未收
漢地河沙盤百二
肯教烽燧接皇州

余與陶吾廬生同庚仕同第官同曹產雖

異鄉然一在江北一在江南
聲聞舊相及今同居一巷喜而有作

卜居欣傍子雲西
 逆旅風霜共曉鷄
 興到說詩寒獨往
 客來呼酒夜常携
 莫言廬皖分江映
 更得鸞凰一樹棲
 幾度退朝歸騎並
 珂聲搖曳五雲低

出營見弘慈寺高閣駐馬一臨臺邊牡丹

數本甚艷次日重來借榻偶為風雨所

壞悵然有作

為登高閣來山寺坐愛名花倚繡廊
 特抱琴尊安夜榻
 生憎風雨妬春芳
 殘香猶繞菩提樹
 懶

蝶虛迴薜荔墻
 漫掃落英還自酌
 笑將幽事問空王

人吳寄恒菴伯兄

東下吾何意傳經得上才
 姑蘇佳麗地行處錦雲堆
 海味今甘食方言漸可猜
 虎丘曾借榻鶴市數啣杯
 季子空餘廟館娃空有臺
 洞庭嘗肅去玄墓問梅開
 山水圖中見絃歌月下回
 好畫收不盡嘉木遠難栽
 獨歎登臨樂偏逢士女來
 更聞於越勝旦夕到天台

遊虎丘

此地由來勝迴繞
惜暫留劔寒千古水
桂落一山秋
事往僧能說
鐘殘客尚遊
吳門無白馬
泉下有玄丘
聚石仍傳法
相看若點頭

獨坐方氏二酉堂
東定玄時稱疾數月不

見

行藥人何處
春歸二酉堂
桂肥陰欲滿
鶴瘦影偏長
雨久七星變
草深三徑荒
我無原憲病
君念次公狂
可能祛愛馬
一笑共亡羊

過馬孟河庄
適鑰門北去
周視外垣喜其
雄曠賦此

高人何處去
遊子獨踟躕
落日深門巷
開堦任草蕪
廬周千畝廣
徑可百夫趨
傑閣全侵漢
環渠曲引湖
墻麥青樹杪池
淨綠雲鋪不復聞人
語時兼聽鳥呼
蒼茫遙帶楚
虛曠近吞吳
顧我本弱羽
何緣識壯圖
一枝猶自廣
數似望空吁
院靚無堦入
途長倩客扶
看君負竒氣
直欲擬蓬壺

館娃吟

吳娃當日來黃金築高臺至今響屐處猶生稱
意苔

賣花曲

富豪輕黃金買盡人間春却歎珠一斛賣却百
年身

題秋亭畫

亭臯木葉黃露滴瑤階濕坐待月華生捲簾放
秋入

題東谷圖

曉日出扶桑光射松雲谷幽人且啓扉林間放
白鹿

坡

懸磴僅容人盤空欲度馬已出飛鳥前猶在白
雲下

雨

度野已濛濛入谷勢逾急破笠不可支行人蔽
樹立

帖

草閣暮雲深荒臺秋水積臨池不見書空階羅
鳥跡

題聖泉聖泉一日百盈百涸卽所謂漏洩
也

此理誰能會盈虛別有天山城無刻漏應是報
時泉

余與蔣侍御相約登茅山蔣旣先往丹陽
余亦興闕書此寄告山靈

聞說華陽有洞天幾年飛夢繞巖前山靈今日
偏多阻千載空留喜客泉

宿臨江驛

飄搖何處易銷魂細雨平蕪帶水村十里蘆花
飛白雪數家茅屋隱黃昏

種桃

碧梧翠竹野人家閒植緗桃闢歲華却笑瑤池
春寂寞千年何事一開花

自靈壁至宿皆出隋隄行有感

聞說當年帝子遊
兩隄紅粉曳龍舟
空留堤畔垂楊在
猶帶東風舞不休

歷代詩選

子集卷九十九

終



